

PROGRAMA No. 0728

PROVERBIOS

Cap. 6:24 - 8:9

Angirü che rendúva, jajevy ko árape ñande estudio Libro Proverbios, capítulo 6pe. Ha jaikéta ko árape tenda jahechamava'ekuépe ha okontinuáta pe capítulo oútava peve.

Ñemomrandu oñeme'ëva ko'ápe mitärusúpe ningo pe kuña ojeikuaa'yva rehegua, térä pe kuña heko vaíva yró prostituta rehe. Upe máva, ikatúva ohundi mitärusu rekove, ambue mba'égui. ¿Mboy mitärusu piko ko'ágä rupi, ohundi hekovekuéra ko mba'e rupi? ¿Mboy ñemenda piko oñehundi ko mba'e rupi avei? Ikatu jahecha jeyjey ko tema película kuéra ojehechaukáva cine ha television kuéra rupi. Katuete oĩ mbohapy upépe. Jaguereko peteĩ ñemenda ha katuete oĩ ambue mbohapyha, peteĩ kuña, térä peteĩ kuimba'e ohundíva upe ñemenda. Pe “kuña ojeikuaa'yva” térä pe “kuimba'e ojeikuaa'yva”, pe kuimba'e ñaña, oñehenoiháicha chupe ko'ápe Proverbiospe. Eñeñangarekóke chugui, angirü che rendúva. Ha ñañepyrüta ñamoñe'ë ko'ápe Proverbios capítulo 6, versículo 24pe, he'ihápe:

***24**reñemombyry haguä pe kuña ñañágui,
ha pe kuña reikuaa'yva ñe'ë he'ë asývagui. (Pro. 6:24)*

Jahechakuaa ñe'ë ojeipurúva ko'ápe. Ñamoñe'ë ko'ágä pe versículo 25:

***25**Ani rehecharamo nde py'apýpe iporãngue,
ha aníke ha'e neapyĩ ima'ëme. (Pro. 6:25)*

Angaipá oñepyrü máva korasöme: *korasögui osyry tekove. “Ani rehecharamo nde py'apýpe iporãngue.”*

Peteĩ jey peteĩ programa radial ikatuhápe umi ohendúva ohenói oporandu haguä, peteĩ karia'y ohenói ha he'íkuri kóicha: “Ñandejára Jesucristo he'íkuri oimeraëva omañáva peteĩ kuñáre ha oñenoséva hendive, upéva oñenóma voi hendive ipy'apýpe, ha

omongy'áma imendare reko"—ha upémarö upe karia'y oporandu: "¿Upéva piko he'ise máva omañáramo peteĩ kuñataĩ isái mbykýva rehe ojäpomaha angaipa upévare?" Ijetu'u upe porandu oñembohovái haguä ha upe predicador he'íkuri chupe: "Mitärusu, ndereikuaáiramo mba'épa upéva he'ise, ha ndereikuaáiramo upévapa oho upe mitäkuña oipurúvare upe sái mbyky, upéicharö, ndereguerekói rejepy'apy haguä upévare. Ha iporäve nderesarái chugui". Upe mbo'epy Ñandejára Jesucristo ome'ëva'ekue, ha upe he'iséva ningo angaipa katuete oñepyrüha máva korasöme. *Ani rehecharamo nde py'apýpe iporãngue.* Upéi, he'i versículo 26pe:

26Peteĩ kuña heko vaíva oñeme'ë peteĩ pan repy rehe, pe tapicha rembireko oikóva ambue kuimba'e ndive oity ñuhãme upe kuimba'e ánga. (Pro. 6:26)

¿Mboy kuimba'e piko péicha oñehundiva'ekue? ¿Mboy piko oĩ oñemondýitava oikuaávo heta tembireko omba'apóva oficina rupi, avei menakuéra oñe-chantajea-ha chupekuéra ko'ágã rupi? Katuete noñehendúi oñeñe'ëvo py'ýiete ko mba'e rehe.

Heta tetã rupi oĩ kuimba'ekuéra oguerékóva hambireko ifamilia reheve peteĩ távape ha, hembiaפוita rupi ohova'erã ambue távape hetãme, ha upe távape avei oguereko ambue tembireko, ambue familia reheve. Ikatu nde reikuaa máva oikóva upéicha. Ha katu, mba'éicha oñepyrü upe mba'e? Ha, oñepyrü he'iháicha Ñandejára Ñe'ë ko'ápe. Ñandejára ñandekuaa, Ha'e ñande apókuri ha oikuaa opa mba'e oíva ñande pype. He'i versículo 25pe: "*Ani rehecharamo nde py'apýpe iporãngue.*" Upépe, angirü che rendúva, oñepyrü opa mba'e. Upéi jajuhu porandukuéra. Ñamoñe'ë versículo 27:

27Mávapa oguerahakuaa tata ikasöme okai'ÿre ijao. (Pro. 6:27)

Mbohovái ko porandúpe guarã, roikuaa hesakãha. Ko'ágã, versículo 28, he'ihápe:

28Oguatánepa peteĩ kuimba'e tatapyi ári, ipykuéra okai'ÿre. (Pro. 6:28)

Jaguereko fanático kuéra ojäpóva upéva. Ha katu, katuete ningo máva okái oguatávo tata ári, upéva jaikuaa porã. Ko'ágã, versículo 29pe, he'i:

29Peichaite hína pe oguahëva hapicha rembireko rehe,

ndopyta reíriva'erã pe opokóva hese, katuete ojevavirava'erã. (Pro. 6:29)

Jajuhu ningo ko mba'e Ñandejára Ñe'eme, ha jaikuaa upéva omba'apoha tekovekuéra rekovépe. Ha vaicha Ñandejára opensákuri ko'ä mba'e rehe, peteĩ kuimba'e omoakaratĩramo hambirekópe, ha'e ndaha'ei inocente. Tahe'i he'íva. Ko'ápe oñeme'ë ñandéve techaukarã versículo 30pe; he'ihápe:

³⁰Noñepenaguasúi ningo pe mondaha rehe

omondáramo ombogue haguãnte ñembyahýi. (Pro. 6:30)

Peteĩ kuimba'e ñembyahýi ha omondáramo, bueno, gente kuéra ohechakuaa hemikotevë. Peteĩ jey, peteĩ kuimba'épe oje-arrestákuri omondahaguére ha ojehechakuaa oguerekoha mitã ñembyahýiva hógape. Ha, ¿mba'épa nde rejapóta péicha jave? Ha, che rehe oikóramo, ha che ra'ykuéra ñembyahýiramo che asëta aheka tembi'u chupekuéra guarã. Ña'ne'ë poráramo ajuhuva'erã tembi'u imba'ekuerarã ha ndaguerekóiramo pirapire, upéicharö, ahekava'erã tembi'u hekoitépe, iporãveháicha. ¿Mba'ére? Ha, ñamoñe'ë jey pe versículo 30, avei ñamoñe'ë versículo 31, ko capítulo 6, Proverbios pegua:

³⁰Noñepenaguasúi ningo pe mondaha rehe

omondáramo ombogue haguãnte ñembyahýi.

³¹Ha ojejuhúramo ichupe omonda jave, ome'ëva'erã hepykue ári 7 jevyve;

upéicha ome'ëmbaiteva'erã hogapýpe oguerekomíva guive.(Pro. 6:30-31)

Nde ikatu re-empeña nde róga rehupyty haguã pirapire reikotevëva. Upéi, he'i versículo 32pe:

³²Ha upe oikóva kuña omendáva ndive itavyetereirasa;

upe omanosévante ojapo ko mba'e kóva. (Pro. 6:32)

Peteĩ jey, peteĩ kuimba'e oikékuri ambue kotýpe, ipojái pistola rehe ha ojukákuri upe okéva upe kotýpe. Upéi ojekuaa upe tembiasá. Ha upe kuimba'e oñeñyrökuri.

Upéicha ojuhúkuri hóga ohundígui pe ambue kuimba'e. Upéva ha'e tembiasa hasýva oñeñyrö haguä. Ko'ágä, versículo 32 ha 33pe, he'i:

*³²Ha upe oikóva kuña omendáva ndive itavyetereirasa;
upe omanosévante ojapo ko mba'e kóva.*

*³³Ñenupã ha ñemotĩ oikova'erã,
ha ñemotĩ ohasa'yva araka'eve ndogueiva'erã. (Pro. 6:32-33)*

Koichagua tembiasa oheja pypore opytáva máva ánga ruguápe hekove pukukue. Ha ndaikatumo'ái hesarái upeichagua tembiaságui.

Ore rembiapópe, heta jey roikuaa peichagua tembiasa ojuhaha heta ogakuéra rupi. Techapyrá, peteĩ tembireko oikuaákuri iména omoakaratihague chupe ambue kuña ndive ha upéi oñe-arrepenti upe ojavova'ekuégui, ojevy hembirekotee ndive ha ojerure operdona haguä ichupe. Hembireko operdona chupe, ha katu, upe ogapýpe ndaiporivéima vy'a ymave guaréicha. Upéichagua tembiasa ndaha'úi ikatúva jaityviro ha opa. Nde rejapóramo upéicha, rehechakuaa ndereguerekoiha arandu. Nde rehundíta nde rogapy ha nde rekove. Upe tembiasa ohundíma hetaiterei ñemenda. Ko'ágä, Proverbios, capítulo 6, versículo 35pe, he'i:

*³⁵Ndoipotamo'ái mba'eveichagua mba'e hetáramo jepe,
ha noperdonamo'ái remboheta hetavéramo jepe nde jopói.(Pro. 6:35)*

¿Mba'ére upéicha? Upe he'ívare versículo 34pe, ñamoñe'ë:

*³⁴Upe kuimba'e hakate'yva hembireko rehe
ipochyeteréita oikuaa vove ha'e ombotavyhague ichupe. (Pro. 6:34)*

Kóva tuichaiterei mba'e. Ko'ágä, capítulo 7pe, oñe'ë gueteri ko tema rehe. Upe pensamiento principal jajuhúva ko'ápe niko tekotevéha ñañeñangareko pe kuña heko vaívagui. Ñamoñe'ë, versículo 1 guive, 4 peve, kóicha:

¹Che ra'y, ejapókena che ñe'ë,

ha eñongatu porã che rembiapoukapykuéra nde py'apýpe.

*²Ejapóke che rembiapoukapy ha reikoveva'erã,
eñangareko hese nde resa'yicha.*

³Ejokuákena ne kuãnguéra rehe; ehaíkena umía nde py'apýpe.

*⁴Ere arandúpe: Nde ningo che reindy,
ha akãporãme eguereko ne irũ porãite ramo. (Pro. 7:1-4)*

Ehejamína torohechauka ndéve ko'ápe upe rogueroviáva ha'eha aplicación espiritual creyente kuérape guarã ko'ágã. Roguerovia kóva oguerekoha interpretación literal, ha katu, oreko avei interpretación espiritual. He'i rire upe he'iva'ekue versículo 1 guive, 4 peve, ehendu ko'ágã upe he'iva versículo 5 guive, 14 peve:

*⁵Eñemomomyry nde rapicha rembirekógui,
ijuru he'ẽme ndereitységui.*

⁶Peteĩ ára ama'ẽ jave che róga rovetã rupi,

*⁷ahecha umi mitãrusu iñarandu katupyry'yva apytépe
peteĩ karia'y ivýro reíva,*

⁸ohasárõ ohóvo pe tape rehe, oñemoaguive pe kuña vai rógare.

⁹Ka'aruete, iñypytyũmba rire, pyhare ho'áma jave,

*¹⁰peína ápe, peteĩ kuña osẽ ohuvaitĩvo ichupe,
kuña reko vai ijeguakapa reheve ha oikuaáva mba'éichapa oporombotavyva'erã,*

¹¹iñakã rakúva ha ndaipy'aguapyí, ipy ndaikatúiva opyta hógape.

*¹²Ha osẽ guive hógagui oma'ẽ ma'ẽ opa rupi
ohecha haguã mávapepa ombotavyta.*

¹³Ojejapyhy hese, ha ohetũ ichupe, ha tova'atãme he'i ichupe:

*¹⁴Kuave'ẽmby agradecimiénto reheguáva so'o ambosako'íma,
ko ára kóvape ame'ẽse che promésa. (Pro. 7:5-14)*

Rohechakuaa ha'eha peteĩ kuña religiosa. Ndaipóri mba'eve ivaíva upévape. Upéva niko oïporã. Ehendu upe he'iva versículo 15pe:

¹⁵upévare asēkuri rohekávo, kyre 'ȳme aheka aikóvo nde rova, ha péina rojohúma. (Pro. 7:15)

Upéva he'ise, nde añoite ningohína. Upéi, versículo 16 guive, 27 peve, omombe'uve ñandéve ko tembiasa he'ihápe kóicha:

*¹⁶ambosako'íma che rupa, tupa ahoja iporãitéva
ojegueruva'ekue Egíptogui.*

¹⁷Che koty amohyakuãmbáma mírra, áloe ha canélape.

*¹⁸Ejúna mborayhúpe ñañomokunu'ũ ko'ẽmba peve,
javy'a mborayhu pa'ũme.*

¹⁹Che ména ningo ndaipóri che rógape, mombyry ohókuri.

²⁰Pe pirapire ryrú oguerahákuri ipópe, ha he'i:

Jasy mbaretépemante aju jeyva'erã ñande rógape.

*²¹Iñe'ẽ vevúi asy rupi omoĩ ichupe ipoguyépe,
ijuru he'ẽ rupi omosã ichupe.*

*²²Upéicha oho hapykuéri, ku guéi ohoháicha ijukahára rendaguãme,
ha tekove vai ohoháicha cárcelpe ojevavira haguã;*

*²³ku guyra ohoháicha pya'e pya'e ho'a peve ñuhãme,
ha ndoikuaái hekove ojepe'ataha ichugui,
pe hu'y ojekutu peve ipy'a rehe.*

*²⁴Ko'agäkena nde, che ra'y, cherendumíkена,
ha ejapysaka porãkena umi ñe'ẽ rehe che juru he'íva guive.*

*²⁵Ani remboyke nde py'apy hapére;
aníke rejevavýtei hape karẽ rehe.*

*²⁶Ha'e rupi ningo heta oñehundíma,
oity rire hetápe ojuka ichupekuéra.*

*²⁷Hógape oñepyrũ aña retã rape,
hóga rokẽ rupi oñeguahẽta omanómava retãme. (Pro. 7:16-27)*

Ko'ápe ojepuru pe lenguaje figurativo. Añetehápe ipohýi umi ñe'ẽ ojepurúva. Ha ñamoñe'ėkuri ko capítulo peteĩ propósito reheve.

Ñandejára Ñe'ëme oï peteï mba'e hérava "adulterio espiritual". Upéva ojehu Ñandejára retägua "ohejágui Chupe ha oho ta'ängakuéra rapykuéri" – ha'ekuéra oñeñapytí idolatría rehe ha oñemomombyry Ñandejára Oikovéva ha Añetévagui. Tekotevëkuri ojoaju Hese, ha ndaupeichavéima. Ha'ekuéra oiko oikoháicha peteï ramera, ha'ekuéra omoakaratí ha omboyke Ñandejárape. Upe ha'e he'ivahína niko, ñande jerére ko'ágä rupi oï, culto ha secta kuéra opaichaguáva avei opaichagua religión falsa. Máva ikatu ojuhu ko'ä mba'e ijerére. Peteï aty he'i: "Nde natekotevëi resegui Cristope upe rejapoháicha ko'ágä. Natekotevëi rejerovia Hese nde Salvador ramo añoñte. Nde tekotevë rejapo péva térä amóva ha hetaiteve mba'e; avei tekotevë reju ore atýpe".

Hetaiterei carta kuéra ningo oguahë jepi oréve. Ha aremíma rombo'e jave libro Gálatas ro'ékuri heta jey peteï mba'e, uperö ro'ékuri: "Fe + nada es = salvación". Máva ojeroviava'erä Ñandejára Jesucristo rehe. Ha'e niko pe Salvador. Jesús niko Ñandejára. Jesús niko ñane Mbo'ehára. Ha opa mba'e ro'eva'ekue ári oguahë oréve heta kuatiañe'ë omondova'ekue tapichakuéra. Oï he'iva oréve heta mba'e ivaíva. Oï he'iva: "Peë ningo pejékuri rohejava'eräha pe ley". Ore ningo ndoro'ékuri mba'eve upeichagua. Upe ro'eva'ekue ningo ley ndaikatuiha ñande salva; ha upéva ro'e jeyjey. Ley noñeme'ëiva'ekue ogehupyty haguä salvación. Ley niko iporä, ha katu, oï peteï mba'e noïporäiva ñane ndive, ha Cristo añoite ikatu ñande salva. Ha nañañeha'ävëi vove ñande jehogui, nañamotenondevéi jave ñane rembiapo, jahejavo umi mba'e jajapóva guive ko'ágä ha jajevy Cristope jerovia reheve, upécharö jaguerekóta salvación.

Upéi, oï ambuekuéra ohaíva he'ivo: "Peë pejavy. Peë pejeva'eräkuri tekotevëha jajevautisa péicha. Peë tekotevëkuri peje gente kuérape ohova'eräha upe atýpe avei upe culto oikohápe. Peteï kuimba'e ohaíkuri he'ivo: "Pejeva'erä gente kuérape ojavova'eräha leype he'iva. Pejapova'erä leype he'iva; pejeroviáramo jepe Cristo rehe, pejapova'erä leype he'iva". Angirü che rendúva, ñande ningo jajoaju Cristo rehe, ha Ha'e he'i: "*Peë cherayhúramo, pejapóta avei che rembipota.*" (Juan 14:15) ha

Hembiapoukapykuéra ndaipohýiri; ñande jajohayhuva'erä ojupe. Tekotevë ñane renyhë Espíritu Sántogui. Tekotevë ñamombe'u maymávape Ñandejára mborayhu rehegua. Ko'áva ha'e tembiapou- kapy ko'ágä rupi. Ha ko'ágä ñande jajoapy Cristo oikovéva rehe. Tekotevë jaiko Ñandejára ojerureháicha avei jahechauka ñande rekove rupi Espíritu ome'ëva. Umi fruto Espíritu Santo ome'ëva oíva'erä ñande rekovépe ha ñane korasöme.

Ro'eva'erä kóva jesareko reheve. Culto ha secta kuéra ko'ágägua oñepresenta peteï kuñáicha oíva calle rupi ohenóiva kuimba'e ha kuñanguérape. Osë calle-pe, oñemboja máva rokëme – ome'ë chupekuéra folleto. Ha, nde ikatu rejuhu chupekuéra opa rupiete. Upe kuña omýi voi ko'ágä rupi. Angirü che rendúva, ehendu ha ejesareko: ha'e niko peteï prostituta. Ha'e oipota reñemomombyry Crístogui. Ha'e oipota nde reñemoirü ambue mba'ére. Oipota reñemoirü Sistemarehe, téra método ko'ágägua rehe, angirü che rendúva. Oí niko peteï prostituta espiritual oíva calle rupi ko'ágä, ha rombyasy ro'évo upéva, avei oipuru radio ha ambuekuéra medio ko'ágägua. Oñeha'ähína ogueru peteívape ombotavy haguä chupe. Ha ko'ápe oje'e ñandéve máva oñeme'ë jave, ojoguaha peteï buéipe ohóva ojejuka haguáme. Máva oikóva péicha itavy ha tekotevë ojekorrege chupe, oho jave ko'ä mba'e rapykuéri. Ñandejára he'ihína nde nanearanduiha rejapo jave peichagua tembiapo. Angirü che rendúva, ñañamebojavo Ñandejára rendápe ha jajerovia Cristo rehe aha anítei ambue mba'ére. ¡Mba'e poráite jaguereko ko'ápe! Angirü che rendúva, roikuaa rombopochytaha hetápe ha ¿reikuaasevépa? Oguahëta avei oréve kuatione'ë roñeha'ä haguä “rojekorregi”. Ikatu tekotevë. Ha katu, oréve guarä ko'ápe, roguereko ko'ápe techaukarä oñe'ëva umi culto ha secta kuéra rehe ko prostituta rupive, oñemonde poräva, ha oreko oikuave'ëva kuimba'épe ko'ágä, añetehápe ohundítava chupe ha omondóta chupe Aña retäme, omomombyryta chupe Jesucristogui. Ha'e añoite ningo upe ohayhu añetéva ñane ánga ko'ágä. ¡Mba'e poráite upéva! ¿Ajépa?

Ha péicha ñaguahë Libro Proverbios, capítulo 8pe, ha jaguereko ko'ápe cambio oñe- presentáva. Ko'ápe ko capítulope mitärusu ojesarekohína literatura opaichagua Universidad pegua; ha pe mbo'ehao arandu reheguápe avei mbo'ehao insensatokuéra

rehegua, oñeha'ähína ha'e oñe-anota upe mbo'ehaópe. Ko'ápe jaguereko invitación arandu omondóva mitärusúpe. Oĩ py'aragë, mba'e pya'e ojehechava'eräva upe mitärusu rehegua. ¿Ndépa rehenduse upe he'íva ko'ápe? Pya'ete hyapúta campana ohenóivo ojeike haguä mbo'ehaópe ha ha'ekuéra oipota upe mitärusu oñe-inscrivi umi clasepe guarä. Chupe ojehekákuri, oñeñeha'ä oñembotavy haguä, ojei haguä mbo'ehaógui, osë haguä pe Universidad oñembo'ehágui arandu. Ehendu upe he'íva Proverbios, capítulo 8, versículo 1:

***¹Pejapysaka porãke, pe arandu penerenóima
ha pe akãguapy porã ñe'ë oñehendúma. (Pro. 8:1)***

Ha, angirü che rendúva, umi culto ha secta kuéra oïramo calle rehe ko'ágã rupi ohenóivo maymávape hóga rokëme, upéicharö ¿Ñandejára retägua ojavova'erä upéicha avei!

Rome'ë ore agradecimiento heta organización iporäva rehe, katuite umi omba'apóva mitärusu ha kuñataikuéra ndive, oïva calle kuéra rupi ohenóivo ogakuéra rokëme; ha oguera- hahína testimonio personal ko'ágã. ¿Mba'ére? He'ígui ko'ápe: ¿*Pejapysaka porãke, pe arandu penerenóima ha pe akãguapy porã ñe'ë oñehendúma?* Ha'e oïva'erä upépe avei. Upéi, versículo 2 guive, 4 peve, he'i:

***²Pe tape yke ijyvatehápe, umi tape po'i
ojoasahápe oñembo'y ha'e,
³umi okë oñháme pe táva ojeikehápe,
umi okë ojeikehápe osapukái:
⁴Peë kuimba'ekuéra, peëme asapukái asy
ha amondo che ñe'ë kuimba'e ra'ykuérape, (Pro. 8:2-4)***

Upéva rehe ningo ko programa radial oñe'ëhína. Roñeha'ähína romondo momarandu karia'ykuéra ou haguä ojehekombo'etahápe chupe arandu ha hekovépe oreko haguä arandu peteítei. Cristo niko ojejapókuri ñane mba'erä arandu ha tekotevë jaha Cristo rendápe. *Peikuaákena pe arandu peë pendevýrova gueteri.* ¿Ndépa

reiméma, angirü che rendúva, rejapo haguä upéva? ¿Ere haguä nde ndaha'eiha máva hekoitepegua? ¿Ndépa erekuua ha'eha angaipa apoha avei ndereguerekoiha mba'eveichagua problema intelectual? Japukase, ha upekuévo mba'e vaiete, ñahendúvo heta tapichápe oñe'ëvo upéicha. Peteĩ mitärusu oúkuri ha he'i: "Areko problema intelectual". Ha katu, ¿reikuaápa peteĩ mba'e angirü che rendúva? Ha'e ndorekói problema intelectual, ha'e orekókuri angaipa ha upe ojehuva'ekue ndohejaséi iñangaipa. Angirü che rendúva, nde rehejaséramo ne angaipa, rejeroviávo Cristo rehe, rehechakuaáta mba'éichapa opáta umi problema intellectual reguerékóva ko'ágä. Upéi, Proverbios, capítulo 8, versículo 5 ha 6pe, he'i:

*⁵Peikuaákena pe arandu peẽ pendevýrova gueteri,
ha peẽ itavýva pejapyhy akãguapy porã,
⁶Pehendúkena, ha'étava guive mba'e iporãmba jepéva,
ha ajejurupe'átava mba'e hekoite peguáva ha'e haguä. (Pro. 8:5-6)*

¿Mba'e poráite jajuhu ko'ápe, angirü che rendúva! Upéi, versículo 7 guive, 9 peve, he'ive:

*⁷che juru he'íta pe añetegua,
ha che rembukuéra omboyke pe ñaña reko,
⁸che juru he'íva guive mba'e hekoite peguáva;
ndaipóri ipype tie'ỹ ñaña ni mba'e ikaréva,
⁹ha'éva guive hekoite pegua umi oikuaasévape guarã,
ha mba'e hekoite pegua meme umi arandu ojuhuva'ekuépe guarã,
(Pro. 8:7-9)*

¿Rehechakuaápa, angirü che rendúva, ha'éramo añetehápe arandu ndahasymo'äiri? Ha upéva oguerohorýta máva ha'éva simple. Rome'ë ore agradecimiento Ñandejárape, nomboveráigui pe evangelio, avei ndojapói oguerohory haguäicha tapichakuéra añetehápe orekóva inteligencia añónte. Upéicha rire, hetaiterei tapicha opyta reiva'erämo'ä. Kóva ha'e momarandu maymáva tapicha isimpleva

peguarä. Ha añetehápe ha'e momarandu sencillo. Arandu ndaha'ei complicado heta tapicha oimo'äháicha ha'eha; uvei isimple, avei i-sencillo.

Néi, angirü che rendúva, japytáta ko'ape ko árape. Ñakontinuáta, Ñandejára oipotáma guive, pe programa oútavape ha hi'áite oréve orevoirü jey. Jajojuhu jey peve, ha, arandu Ñandejára guigua toisämbyhy nde rekove akóinte, upéva ore mba'ejerure!